



**NAZIV PROGRAMA: «PODSTICAJ POLJOPRIVREDNOJ PROIZVODNJI
ZA 2010. GODINU»**

OSNOVNE INFORMACIJE O PROGRAMU

<p>1. Naziv Programa:»Podsticaj poljoprivrednoj proizvodnji za 2010. godinu», usvojen na <u>55</u>-oj redovnoj sjednici Vlade Bosansko-podrinjskog kantona Goražde održanoj <u>11.02.2010.godine</u>.</p> <p>2. Opis Programa (opći i posebni ciljevi)</p> <p>3. Svrha Programa:Podsticaji u animalnoj, biljnoj, proizvodnji sadnog materijala, gljivarskoj proizvodnji, investicijama u poljoprivredna gazdinstva-kapitalna ulaganja i ostali podsticaji.</p> <p>4. Kriteriji za raspodjelu sredstava: Opći i posebni kriteriji</p> <p>5. Potrebna sredstva za provođenje Progama: 550.000,00 KM</p> <p>6. Izvor sredstava:Budžet Bosansko-podrinjskog kantona Goražde za 2010. godinu</p> <p>7. Naziv korisnika sredstava: Poljoprivredni proizvođači (pravna i fizička lica), zadruge i udruženja</p> <p>8. Odgovorno lice: Ministar Mustafa Kurtović, prof.</p>	<p>PREDLAGAČ PROGRAMA</p> <p>MINISTARSTVO ZA PRIVREDU BOSANSKO-PODRINJSKOG KANTONA GORAŽDE Maršala Tita br. 13 Goražde 038/221-772</p>
---	--

Program „Podsticaj poljoprivrednoj proizvodnji za 2010. godinu“ stupa na snagu danom davanja saglasnosti od strane Vlade Bosansko-podrinjskog kantona Goražde.

SADRŽAJ

- 1. UVOD**
- 2. OPIS PROGRAMA (opći i posebni ciljevi)**
- 3. SVRHA PROGRAMA**
- 4. KRITERIJI ZA RASPODJELU SREDSTAVA**
- 5. POTREBNA SREDSTVA ZA PROVOĐENJE PROGRAMA**
- 6. IZVOR SREDSTAVA**
- 7. NAZIV KORISNIKA SREDSTAVA**
- 8. ZAVRŠNE NAPOMENE**

I UVOD

Program „Podsticaj poljoprivrednoj proizvodnji za 2010. godinu“ sačinjen je u skladu sa odredbama člana 14. i 18. Zakona o novčanim podsticajima u primarnoj poljoprivrednoj proizvodnji i ruralnom razvoju na području Bosansko-podrinjskog kantona Goražde («Službene novine Bosansko-podrinjskog kantona Goražde», broj:13/09), kojim je određeno da se izvor i visina novčanih podsticaja po jedinici i vrsti podsticaja utvrđuje Programom koji donosi Vlada Bosansko – podrinjskog kantona Goražde za svaku kalendarsku godinu.

Odredbama člana 39. i 44. Zakona o izvršenju Budžeta Bosansko-podrinjskog kantona Goražde («Službene novine Bosansko-podrinjskog kantona Goražde», broj:15/09), određeno je da se sredstva za podsticaj poljoprivrednoj proizvodnji koriste po programima i kriterijima na koje saglasnost daje Vlada Bosansko –podrinjskog kantona Goražde.

Primarna poljoprivredna proizvodnja predstavlja okosnicu opstanka i razvoja svakog društva .Svjedoci smo da u našoj zemlji, radi spleta mnogih objektivnih i naročito subjektivnih okolnosti, proizvodnji hrane (primarna poljoprivredna proizvodnja) nije poklanjan dovoljan značaj. Zbog tih okolnosti došli smo u poziciju da imamo nedovoljnu proizvodnju poljoprivrednih proizvoda i da uvozimo ono što smo donedavno izvozili.

Poljoprivredni resursi kojima raspolažemo su izuzetni (velike neiskorištene poljoprivredne površine, klimatski uslovi kao i svi drugi elementi neophodni za razvoj primarne poljoprivredne proizvodnje, kao i veliki broj nezaposlenog stanovništva) pa nam daju opravdane razloge da ova grana posjeduje veliki potencijal.

Specifičnosti namjene ovih sredstava, a posebno kad se ima u vidu da je veliki broj korisnika istih, prišlo se detaljno izradi Programa „Podsticaj poljoprivrednoj proizvodnji za 2010. godinu“, gdje je održan veći broj konsultantskih sastanaka.Održane su i javne rasprave u sve tri općine u sastavu Bosansko-podrinjskog kantona Goražde gdje su svi mogli dati prijedloge i sugestije na ponuđeni Program „Podsticaj poljoprivrednoj proizvodnji za 2010. godinu“.

Realizacija Programa „Podsticaj poljoprivrednoj proizvodnji za 2010. godinu“ moguća je tek nakon donošenja detaljnih Uputstava o načinu ostvarivanja podsticaja za svaku vrstu proizvodnje.

II OPIS PROGRAMA (opći i posebni ciljevi):

Ciljevi ovog programa su:

- povećanje obima pljoprivredne proizvodnje,
- zadovoljavanje potreba domaćeg tržišta vlastitim proizvodima,
- snadbjevanje prehrambene industrije sirovinama,
- stabilizacija tržišta poljoprivredno-prehrambenih proizvoda,
- smanjenje ovisnosti od uvoza i stvaranja pretpostavki za izvoz,
- stvaranje tržišno orjentisanih proizvođača,
- smanjenje stope nezaposlenosti,
- uččešće naučnih i stručnih institucija u osavremenjavanju proizvodnje,
- ruralni razvoj.

Predviđeni novčani podsticaji su ekonomskog karaktera koje priznaju ekonomsku proizvodnju kod farmera i stvaraju uslove za prodaju proizvoda za domaću industriju i tržište. Druga uloga podsticaja je razvojnog karaktera koja pospješuje: kapitalna ulaganja, organizaciju rada uzgojno-selekcijskih i savjetodavnih poljoprivrednih stručnih službi, organizovanje sajмова, seminara, izložbi i podrška naučno-stručnim institucijama.

Osnovni parametri koje smo koristili za izradu Programa „Podsticaj poljoprivrednoj proizvodnji za 2010. godinu“ bili su:

- osnovna strateška opredjeljenja u primarnoj poljoprivrednoj proizvodnji na Bosansko-podrinjskom kantonu Goražde,
- stanje resursa na kantonu,
- analiza stanja novčanih podsticaja u 2009. godini,
- mišljenja općinskih službi za poljoprivredu, proizvođača i prerađivača poljoprivrednih proizvoda, zadruga, udruženja i drugih.

III. SVRHA PROGRAMA

Pravna i fizička lica koja ispunjavaju opće i posebne kriterije propisane Programom „Podsticaj poljoprivrednoj proizvodnji za 2010. godinu“ kao i Uputstvima, podnose zahtjev i potrebnu dokumentaciju za ostvarivanje novčanih podsticaja u primarnoj poljoprivrednoj proizvodnji kantonalnom Ministarstvu za privredu (sektor za poljoprivredu).

Nakon utvrđivanja činjeničnog stanja na osnovu podnijetih zahtjeva, obrade i provjere dokumentacije Ministarstvo za privredu će u propisanim rokovima zahtjeve za isplatu novčanih podsticaja dostaviti Ministarstvu za finansije.

U slučaju da se utvrđena visina sredstava po vrstama ne iskoristi, Ministarstvo za privredu (u daljem tekstu kantonalno Ministarstvo) ima pravo Odlukom da preusmjeri sredstva iz grane u granu (stočarstvo, vočarstvo, ratarstvo, povrtlarstvo i td).

U skladu sa članom 26. i 27. Zakona o novčanim podsticajima u primarnoj poljoprivrednoj proizvodnji i ruralnom razvoju na području Bosansko-podrinjskog kantona Goražde («Službene novine Bosansko-podrinjskog kantona Goražde», broj:13/09), nadzor i kontrolu u fazi proizvodnje na terenu potencijalnih korisnika, kao i u toku prikupljanja i obrade dokumentacije vrše službenici kantonalnog Ministarstva za privredu (sektor za poljoprivredu) i Kantonalni poljoprivredni inspektor.

A/1 PODSTICAJI U ANIMALNOJ PROIZVODNJI

A/1-1 Proizvodnja svježeg kravljeg mlijeka: Ostvaruju proizvođači koji su registrovani u kantonalno uzgojno-selekcijskoj službi i koji imaju zaključen Ugovor sa registrovanim prerađivačem ili otkupljivačem. Pravo na podsticaj imaju oni farmeri koji predaju najmanje 100 litara mlijeka za jedan mjesec sa minimalnom mliječnom masti 3,2 %.

A1-2 Proizvodnja svježeg kravljeg mlijeka iz 2009. godine mjesec, decembar.

A/1-3 Uzgoj priplodnih junica: Posticaj za uzgoj priplodnih junica ostvaruju farmeri koji su upisani u Registar proizvođača priplodne stoke, a uzgoje najmanje jednu priplodnu junicu i istu mogu koristiti za proširenje vlastitog stada ili prodaju.

A/1-4 Držanje osnovnog stada ovaca i koza: Pravo na novčani podsticaj imaju farmeri (korisnici) koji u osnovnom stadu imaju najmanje 50 ovaca ili 25 koza. Životinje moraju biti obilježene u skladu sa Pravilnikom o obaveznom označavanju i upisu u jedinstveni Registar ovaca,koza i svinja(«Sl.novine Federacije BiH,«broj 78/07).

A/1-5 Držanje pčelinjih društava: Novčani podsticaj za držanje pčelinjih društava ostvaruju (držaoci pčelinjih društava) pčelari koji su registrovani na području Bosansko-podrinjskog kantona Goražde, a imaju najmanje 20 (dvadeset) pčelinjih društava.

A/1-6 Držanje matičnog stada krava (mliječna grla): Novčani podsticaj za držanje matičnog stada krava ostvaruju farmeri (korisnici) koji drže najmanje dvije krave. Matično stado krava mora biti registrovano kod nadležne veterinarske stanice (u skladu sa Pravilnikom o obilježavanju životinja i šemi kontrole kretanja životinja "Službeni glasnik BiH", broj 28/03).

A/1-7 Držanje koka nosilja:Pravo na novčani podsticaj ostvaruju registrovana fizička lica,obrtnici i pravna lica koja posjeduju na svojoj farmi najmanje 1000 koka nosilja i koji su registrovani za datu djelatnost.

A/1-8 Držanje Bosansko-brdskog konj:Pravo na novčani podsticaj za držanje Bosansko-brdskog konja ostvaruju farmeri (korisnici) koji drže najmanje 1 (jednog) Bosansko-brdskog konja.

A/1-9 Vještačko osjemenjavanje krava: Pravo na ovaj podsticaj ostvaruju ovlaštene općinske veterinarske stanice ili privatne veterinarske stanice koje su registrovane za vršenje ovih poslova i ispunjavaju uslove na osnovu Zakona o veterinarstvu (Sl.novine FBIH broj: 46/00) i Pravilnika o uvjetima u pogledu prostora, kadra i veterinarsko-tehničke opreme za osnivanje veterinarskih organizacija i veterinarskih ustanova (Sl.novine FBIH broj:6/03).

B/1 PODSTICAJI U BILJNOJ PROIZVODNJI

B/1-1 Zasnivanje novih zasada voća kontinentalnog tipa:Pravo na novčani podsticaj stiču kandidati koji su vlasnici zemljišta ili imaju zemljište u zakupu na kojem zasnivaju voćnjak visokostablašica(jabuke,kruške,šljive,trešnje i višnje).Minimalna površina za zasnivanje novog zasada voća je 0,2 ha.Broj sadnica po dunumu ne može biti manji ispod propisanih standarda.

B/1-2 Održavanje višegodišnjih zasada voća visokostablašica:Pravo na novčani podsticaj imaju korisnici koji su podigli voćnjak u periodu 2006,2007, 2008 i 2009 godine minimalne površine 0,2 ha i koji provode neophodne agrotehničke i pomotehničke mjere predviđene principima uzgoja u intezivnoj proizvodnji.

B/1-3 Zasnivanje novih zasada jagodičastog voća: Pravo na novčani podsticaj stiču korisnici koji su vlasnici zemljišta ili imaju zemljište u zakupu na kojem zasnivaju zasad jagodičastog voća jagode,maline, kupine,borovnice,brusnice i ogrozda. Minimalna površina za zasnivanje ovog zasada je 0,1 ha.

B/1-4 Proizvodnja konzumne jabuke:Ostvaruju pravna i fizička lica (kooperanti) koja imaju zaključen Ugovor sa registrovanim prerađivačem,otkupljivačem ili trgovinskom organizacijom i koji su registrovani kod nadležnog organa.Minimalna količina koja se podstiče je 500 (pedsto) kg.

B/1-5 Proizvodnja u zatvorenim prostorima –plastenička proizvodnja:
Pravo na novčani podsticaj stiču pravna i fizička lica koji su vlasnici zemljišta ili imaju zemljište u zakupu, i da imaju zasnovanu povrtlarsku proizvodnju. Da bi korisnici ostvarili ovaj podsticaj trebaju imati minimalno 200 m² zatvorenog prostora za datu proizvodnju.Maksimalna površina koja se podstiče je 2000 m².

B/1-6 Proizvodnja žitarica (pšenica,ječam,raž,zob i heljde):
Pravo na novčani podsticaj ostvaruju korisnici koji zasiju najmanje 0,2ha navedenih kultura na području Bosansko-podrinjskog kantona Goražde.

B/2 PODSTICAJI U PROIZVODNJI SJEMENSKOG I SADNOG MATERIJALA

B/2-1 Proizvodnja rasadničkog materijala visokostablašica (kontinentalne voćne vrste:jabuka, kruška, trešnja ,šljiva,višnja,kajsija, breskva, orah i lješnjak):
Pravo na ovaj podsticaj imaju pravna lica koja su registrovana za ovu proizvodnju. Minimalna količina proizvedenog sadnog materijala iznosi 20.000 komada rasadničkog materijala.

B/3 PODSTICAJI U GLJIVARSKOJ PROIZVODNJI

B/3-1 Proizvodnja gljiva (šampinjona): Pravo na novčani podsticaj za proizvodnju gljiva (šampinjona) u zatvorenom prostoru ostvaruju korisnici koji kvartalno zasnuju proizvodnju gljiva na najmanje deset tona komposta i istu realizuju.

C/1 PODSTICAJI INVESTICIJA U POLJOPRIVREDNA GAZDINSTVA - KAPITALNA ULAGANJA

C/1-1 Nabavka poljoprivredne mehanizacije i opreme: Pravo na podsticaj za nabavku (kupovinu) poljoprivredne mehanizacije i opreme ostvaruju korisnici koji nabave odnosno kupe u 2010 godini novu mašinu , i to: traktor ili motokultivator sa ili bez priključaka, kosačicu kao i drugu mehanizaciju i opremu potrebnu u stočarstvu, voćarstvu, povrtlarstvu i drugim granama poljoprivrede.

C/1-2 Sufinansiranje nabavke visokogravidnih junica: Korisnici ovih sredstava su proizvođači mlijeka koji će biti odabrani na osnovu prijava i kriterija donesenih od strane Ministarstva za privredu Bosansko-podrinjskog kantona Goražde i sufinansijera koji učestvuje u finansiranju nabavke junica.Sredstva za ove namjene biće obezbjeđena od Ministarstva za privredu Bosansko-podrinjskog kantona Goražde, humanitarnih organizacija i vladinih institucija.

D/1 OSTALI PODSTICAJI

D/1-1 Preventivna dijagnostička ispitivanja domaćih životinja:Zakonski osnov za ovu stavku je član 124. Zakona o veterinarstvu («Službene novine FBiH» broj:46/00), koji obavezuje Kanton za planiranje novčanih sredstava za provođenje prevencije, suzbijanja i iskorjenjivanja zaraznih bolesti životinja.

D/1-2 Nadoknada štete za neškodljivo uklanjanje seropozitivnih životinja:Sredstva u iznosu od 2.000,00 KM biće utrošena kod nadoknade štete vlasnicima čije suživotinje neškodljivo uklonjene tokom provođenja naređenih mjera. Zakonski osnov za ovu stavku je član 46. Zakona o veterinarstvu («Službene novine FBiH» broj:46/00) .

D/1-3 Sajmovi, stručni skupovi, seminari, edukacije: Pravo kandidovanja za ostvarivanje podsticaja za organizovanje sajmova, stručnih skupova, seminara, edukacija i drugih manifestacija stiču korisnici (pravna i fizička lica) koji obavljaju djelatnost iz oblasti primarne poljoprivredne proizvodnje od općeg interesa za Kanton ili za intrese Ministarstva za privredu.

D/1-4 Ostvarivanje novčanog podsticaja kao potpore Programima u svrhu poljoprivredne proizvodnje i brendiranja proizvoda: Pravo na ostvarivanje podsticaja kao potpore Programima u svrhu poljoprivredne proizvodnje imaju pravna i fizička lica za djelimičnu ili potpunu realizaciju projekata od strane ovog Ministarstva koja obavljaju djelatnost iz oblasti primarne poljoprivredne proizvodnje od općeg interesa ili za interes kantonalnog Ministarstva.Podstiče se i razvoj novih proizvoda iz oblasti poljoprivredne proizvodnje kao finalni(brendirani) proizvodi, a na koje će imati pravo podsticaja pravna lica i obrtnici.

D/1-5 Sufinansiranje poljoprivrednih proizvođača (registrovanih poljoprivrednih obrtnika):Pravo na sufinansiranje registrovanih poljoprivrednih proizvođača kao samostalnih poljoprivrednih obrtnika imaju korisnici koji su registrovani kao obrtnici za poljoprivrednu djelatnost na području Bosansko-podrinjskog kantona Goražde na ime uplaćenih doprinosa po osnovu plaća.

D/1-6 Regresiranje kamata po kreditima odobranim za poljoprivrednu proizvodnju: Pravo na regresiranje kamata na odobrene kredite za poljoprivrednu proizvodnju imaju pravna i fizička lica u iznosu od 2% na godišnjem nivou.Ovo pravo ostvaruju korisnici čije zaduženje po odobrenom kreditu ne prelazi 10.000,00 KM.

D/1-7 Rezervna sredstva: Služe za nepredviđene intervencije u podsticajima primarne poljoprivredne proizvodnje,zatim u slučaju elementarnih i drugih nepogoda (snijega , grada, vjetrova, poplava,požara, napada divljih životinja, kao i druga plaćanja koja su neophodna u sektoru poljoprivrede). Odluku za ova sredstva donosi kantonalni Ministar za privredu na prijedlog sektora za poljoprivredu, uz saglasnost Vlade Bosansko-podrinjskog kantona Goražde.

IV KRITERIJI ZA RASPODJELU SREDSTAVA

Finansijska sredstva odobrena iz Budžeta Ministarstva za privredu Bosansko-podrinjskog kantona Goražde podsticaji za poljoprivredu će se raspoređivati prema slijedećim općim i posebnim kriterijima i to:

1. OPĆI KRITERIJ

Programom „Podsticaj poljoprivrednoj proizvodnji za 2010. godinu“ propisuju se uslovi koje moraju ispuniti fizičke i pravne osobe (u daljem tekstu:korisnik-klijent) za ostvarenja prava na novčani podsticaj u primarnoj poljoprivrednoj proizvodnji, uređuju postupci za njeno ostvarenje, način isplate, obaveze koje korisnik-klijent mora ispuniti prije i nakon prijema novčanih podsticaja i propisuje potrebnu dokumentaciju i obrasce, te nadzor i kontrolu. Novčani podsticaji ostvaruju se u oblasti: animalne proizvodnje, biljne proizvodnje, gljivarske proizvodnje, investicija u poljoprivredi i ostali podsticaji.

Pravo na ostvarenje podsticaja imaju:

-Korisnici koji su ostvarili primarnu poljoprivrednu proizvodnju ili poljoprivrednu djelatnost na teritoriji Bosansko-podrinjskog kantona Goražde.

-Korisnici koji su upisani u Registar poljoprivrednih gazdinstava i Registar klijenata kao poljoprivredni proizvođači kod nadležnih općinskih službi za obavljanje poljoprivredne proizvodnje, odnosno djelatnosti a u skladu sa članom 16.Zakona o novčanim podsticajima u primarnoj poljoprivrednoj proizvodnji i ruralnom razvoju na području Bosansko-podrinjskog kantona Goražde («Službene novine Bosansko-podrinjskog kantona Goražde»,broj:13/09).

- Korisnici koji nemaju dospjelih , a neizmirenih poreznih obaveza iz prethodne godine.

- Korisnici koji imaju prebivalište ili sjedište na teritoriji Bosansko-podrinjskog kantona Goražde.

2. POSEBNI KRITERIJ

Zahtjevi podneseni Ministarstvu za privredu Bosansko-podrinjskog kantona Goražde (sektor poljoprivrede) nakon 31.12.2009. godine (podsticaj za proizvedeno kravlje mlijeko za mjesec decembar) prenose se u narednu godinu. Ministarstvo za privredu će zaprimljene zahtjeve do 20.01.2010.godine obraditi u skladu sa Programom i Uputstvima iz 2009 godine.

V POTREBNA SREDSTVA ZA PROVOĐENJE PROGRAMA

Iznos sredstava odobren Budžetom Bosansko-podrinjskog kantona Goražde za 2010. godinu u visini 550.000,00 KM, će se raspodjeliti u skladu sa Programom utroška sredstava „Podsticaj poljoprivrednoj proizvodnji za 2010. godinu“ na sljedeće oblasti izražena procentualno.

Animalna proizvodnja	48,81 %
Biljna proizvodnja	16,80 %
Proizvodnja sadnog materijala	1,09 %
Gljivarska proizvodnja	0,55 %
Investicije u poljoprivredna gazdinstva- kapitalna ulaganja	13,64 %
Ostali podsticaji	19,11 %

Izvršena podjela po pojedinim oblastima je proizvod studioznih analiza, obimi proizvodnje po pojedinim granama kao i sredstva koja su realizovana po pojedinim oblastima u 2009.godini.

Radi ograničenja sredstava bili smo prinuđeni po svakoj oblasti i vrstama podsticaja propisati kvote sa kojima možemo računati.

Program „Podsticaj poljoprivrednoj proizvodnji za 2010. godinu“ će imati smisla ako svaki učesnik bude u potpunosti poštovao Odluku i Uputstva u kojima su propisana i razrađena prava i dužnosti korisnika. Da bi se ovakav Program održao i u budućnosti još više razvijao neophodno je posebnu pažnju posvetiti nadzoru od ovlaštenih organa.

VI IZVOR SREDSTAVA

Izvor sredstava za realizaciju Programa „Podsticaj poljoprivrednoj proizvodnji za 2010. godinu“ je Budžet Bosansko-podrinjskog kantona Goražde za 2010.godinu (Službene novine BPK-a Goražde, broj: 15/09),u kojem su na poziciji Podsticaj za poljoprivredu, planirana sredstva u iznosu od 550.000,00 KM.

VII NAZIV KORISNIKA SREDSTAVA

Korisnici novčanih podsticaja iz Programa „Podsticaj poljoprivrednoj proizvodnji za 2010. godinu“ su poljoprivredni proizvođači (fizička i pravna lica), zadruge i udruženja koja ispune propisane opće i posebne kriterije i koja ostvare poljoprivrednu proizvodnju ili poljoprivrednu djelatnost na teritoriji Bosansko-podrinjskog kantona Goražde.

VRSTE PODSTICAJA**Podsticaji u primarnoj poljoprivrednoj proizvodnji**

R/b	Podsticaji u animalnoj proizvodnji	KM/po jed.proizv.	Ukupan obim podsticaja	Ukupan iznos u KM
A/1-1	Proizvodnja svježeg kravljeg mlijeka 2010.godine	0,15	380.000	57.000,00
A/1-2	Proizvodnja svježeg kravljeg mlijeka 2009. god.(decembar)	0,15	29.825	4.473,75
A/1-3	Uzgoj priplodnih junica	200	120	24.000,00
A/1-4	Držanje osnovnog stada ovaca i koza	10	10.000	100.000,00
A/1-5	Držanje pčelinjih društava	10	2.500	25.000,00
A/1-6	Držanje matičnog stada krava (mliječna grla)	100	360	36.000,00
A/1-7	Držanje koka nosilja	2	4000	8.000,00
A/1-8	Držanje Bosansko-brdskog konja	100	70	7.000,00
A/1-9	Vještačko osjemenjavanje krava	5	1400	7.000,00
	UKUPNO			268.473,75

R/b	Podsticaji u biljnoj proizvodnji	KM/po jedinici mjere	Ukupan obim podsticaja	Ukupan iznos u KM
B/1-1	Zasnivanje novih zasada voća visokostablašica	1500 KM/ha	3 ha	4.500,00
B/1-2	Održavanje višegodišnjih zasada voća visokostablaš	1500 KM/ha	10 ha	15.000,00
B/1-3	Zasnivanje novih zasada jagodičastog voća	1500 KM/ha	1 ha	1.500,00
B/1-4	Proizvodnja konzumne jabuke	90 KM/t	60 t	5.400,00
B/1-5	Proizvodnja u zatvorenim prostorima plastenič. proiz.	2 KM/m2	27000m2	54.000,00
B/1-6	Proizvodnja (sjetva) žitarica	300 KM/ha	40 ha	12.000,00
	UKUPNO			92.400,00

R/b	Podsticaj u proizvodnji sadnog materijala	KM/po jedi. mjere	Ukupan obim podsticaja	Ukupan iznos u KM
B/2-1	Proizvodnja rasadničkog materijala visokostablašica	0,30 KM/kom	20.000 kom	6.000,00
	UKUPNO			6.000,00

R.b	Podsticaji u gljivarskoj proizvodnji	KM/po jedin. mjere	Ukupan obim podsticaja	Ukupan iznos u KM
B/3-1	Proizvodnja šampinjona (nabavka komposta za proizvodnju šampinjona)	50 KM/t	60 t	3.000,00
	UKUPNO			3.000,00

R.b	Podsticaji investicija u poljoprivredna gazdinstva-kapitalna ulaganja	Ukupan iznos u KM
C/1-1	Nabavka poljoprivredne mehanizacije i opreme	25.000,00
C/1-2	Sufinansiranje nabavke visokogavidnih junica	50.000,00
	UKUPNO	75.000,00

R/b	Ostali podsticaji	Ukupan iznos u KM
D/1-1	Preventivna dijagnostička ispitivanja domaćih životinja	10.000,00
D/1-2	Nadoknada štete za neškodljivo uklanjanje seropozitivnih životinja	2.000,00
D/1-3	Sajmovi, stručni skupovi, seminari, edukacije	15.000,00
D/1-4	Ostvarivanje novčanih podsticaja u svrhu poljoprivrednih Programa i brendiranja proizvoda	11.500,00
D/1-5	Sufinansiranje poljoprivrednih proizvođača (registrovanih poljoprivrednih obrtnika)	50.000,00
D/1-6	Regresiranje kamata po kreditima odobrenim za poljoprivrednu proizvodnju	5.000,00
D/1-7	Rezervna sredstva	11.626,25
	UKUPNO	105.126,25

ZAVRŠNE NAPOMENE:

U slučaju da na pojedinim stavkama sredstva ne budu u potpunosti utrošena, a na pojedinim nedostaju, Ministarstvo za privredu Bosansko-podrinjskog kantona Goražde svojom Odlukom ima pravo ista da preusmjeri u drugu stavku.

U slučaju promjene visine sredstava i drugih troškova po Programu „Podsticaj poljoprivrednoj proizvodnji za 2010. godinu“ koji mogu nastati kao rezultat promjene zakonskih propisa ili usklađivanja Budžeta Bosansko-podrinjskog kantona Goražde, Program „Podsticaj poljoprivrednoj proizvodnji za 2010. godinu“ se može mjenjati, odnosno iznosi sredstava po stavkama u Programu „Podsticaj poljoprivrednoj proizvodnji za 2010. godinu“ smanjivati ili povećavati uz saglasnost Vlade Bosansko-podrinjskog kantona Goražde.

Program „Podsticaj poljoprivrednoj proizvodnji za 2010. godinu“ stupa na snagu danom davanja saglasnosti od strane Vlade Bosansko-podrinjskog kantona Goražde.

Broj: 04-14-219 /10

Goražde, 28.01. 2010.godine.

MINISTAR

Mustafa Kurtović, prof.